

nupta cogitat quomodo placeat viro. i. Cor. 7. Hæc exempla posteriora ponit Silu, Ornatus. §. 4. Aut eos vendit illis quæ eis probabiliter abutuntur, vt malis mulieribus, quæ sic volunt viros adconcupiscendum eas provocare, & sic mortaliter peccât. Quoniam mulier quæ eis vtitur, vel se ornat indecenter, vt viris placeat in malum, peccat mortaliter. Si vero hoc faciat ex quadam leuitate, vel etiam vanitate, propter iactantiam quandam, non est semper mortale, sed quandoq; veniale, vt dicit. S. Thom. secunda secundæ q. 169. art. 2. Hæc vide in Silu. Ornatus. §. 4. Aut vendunt fucos ipsos indifferenter, & tunc non sunt absolubiles, nisi desistant à tali venditione. Hæc Nauarro vbi supra. Sic putarem dicendum de Octli, quod est vinum Indorum, & de eis qui ipsum vendunt. Quia aut vendunt ipsum iis, de quibus probabiliter credunt quod eo bene vtantur, puta viatoribus, laborantibus, & ijs qui causa infirmitatis, eo vtuntur, & sic non peccant. Idem dicendū quando ijs quibus vendūt, tam parum vendūt, q̄ illo tam modico non inebriabūtur. Aut vendunt ijs, quos probabiliter credunt ex suæ conditione personæ, vel ex consuetudine